



SIARAN AKHBAR CO-OPBANK PERTAMA

23 DISEMBER 2018

CBP SUNTIK SEMANGAT KE SEKOLAH

(embargo sehingga jam 12.00 tengahari 23 Disember 2018)

1. Co-opbank Pertama (CBP) hari ini mengagihkan zakat perniagaan kepada 500 orang pelajar dari golongan asnaf melalui Program 'Back To School 2019' yang diadakan di Mydin Mall Bukit Mertajam, Pulau Pinang
2. Para pelajar terdiri daripada pelajar **10 sekolah angkat CBP di negeri Pulau Pinang** telah menerima kelengkapan persekolahan sumbangan CBP yang berupa 2 pasang uniform, sepasang kasut dan sebuah beg sekolah sebagai persiapan sesi persekolahan tahun 2019. Penyampaian sumbangan ini telah disempurnakan oleh Tuan Haji Kamari Zaman Bin Juhari, Pengerusi CBP.
3. "CBP berharap bantuan ini akan meringankan beban ibu bapa pelajar dalam menyediakan kelengkapan persekolahan. Ia secara tidak langsung dapat memberi motivasi dan menyuntik semangat kepada pelajar supaya mereka belajar dengan bersungguh-sungguh demi mencapai kecemerlangan dalam bidang akademik. Melalui pendidikan yang sempurna juga, ia dapat mencorak kehidupan pelajar-pelajar ini di masa hadapan sekaligus menjadi pemangkin perubahan ke arah meningkatkan taraf sosio ekonomi diri, keluarga, masyarakat dan seterusnya negara" kata Encik Mohd Nor Abd Razak, Ketua Pegawai Eksekutif CBP.

4. “Program ini juga dapat memberi ruang kepada para pelajar dan guru untuk mengenali CBP dengan lebih dekat sebagai co-opbank yang senantiasa mengambil berat terhadap kebajikan golongan asnaf.”
tambah Tn Hj Kamari Zaman Juhari, Pengerusi CBP yang turut hadir bagi menyampaikan sumbangan kepada penerima bantuan.
5. Program ini adalah sebagai tanda prihatin dan merupakan tanggungjawab sosial CBP terhadap golongan asnaf dan kurang bernasib baik. Ia juga merupakan sebahagian dari usaha dalam menyokong inisiatif kerajaan dalam memastikan tidak ada golongan yang ketinggalan dalam pembangunan modal insan negara. Program Back to School 2019 CBP pada hari ini adalah program kemuncak CBP bagi tahun 2018.
6. Turut hadir pada program berkenaan ialah Anggota Lembaga CBP , Encik Mohd Nor Abd. Razak Ketua Pegawai Eksekutif CBP, Pengurusan Kanan , guru-guru sekolah yang terlibat serta warga kerja CBP.

~TAMAT~

**Jabatan Pengurusan Strategik
Co-opbank Pertama**

**Syaiful Arief Syah Mohamed Said
Pengurus, Transformasi
syaiful@cbp.com.my
013-3944999**

**Aminudin Ismail
Ketua, Jabatan Pengurusan Strategik
aminudin@cbp.com.my
019-575 7650**